



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Eginhartvs De Vita Caroli Magni, Animadversionibvs Illvstratvs

Bessel, Friedrich  
Reinhard, Johann Friedrich

Helmeftadii, 1667

Capvt VI.

**urn:nbn:de:hbz:466:1-10996**

runt alii: nam *Waldum* constanter appellat Monachus *Egolismenf.* *Vita Karoli p. 235.* Mireris non injuriâ hominis ingenium, qui fortunam suam jam inde sub *Carolo Martello* expertus, ann. 733. seu quod magis videtur 738. mox à *Pipino* profligatus ann. 742. tamen sub *Carolo* etiam *Magno* arma resumere non est veritus. Quamobrem ab eodem bello impetitus captus & vinculis traditus est ann. 769. ut scribit *Regino Prumiensis Chron. lib. 11.* In eâ captivitate per biennium detentus, astute sub prætextu Religionis missionem à *Carolo* obtinuit. Dein *Romam* quasi ibi perseveraturus venit, & mox ad *Longobardos* transfugus, promissionis suæ immemor, rerumque novarum studiosus, ibidem non multò post lapidibus obrutus male periit, quæ verba sunt *Sigeberti, ad ann. 771.*

*Lupo Vasconum Duci* Juniorem cum isthæc acciderent, ac vix ætatis annum 20. egressum crediderim. Nam sub *Ludovico Imperatore*, sex post de natum *Carolus* annis, de perfidiâ accusatus, cum purgare se non posset, exilio multatus est. Referunt *Sigebertus ad ann. 820.* *Annales autem Nuararij & Pithœi ad ann. 819.*

## CAPVT VI.

\* MS. eo-  
usque

**C**ompositis in *Aquirania* rebus, \* eoque bello finito, regni quoque socio jam rebus humanis exempto, rogatu ac precibus *Adriani Rom. urbis episcopi* exoratus, bellum contra *Longobardos* suscepit: quod prius quidem & à patre ejus, *Stephano Papâ* supplicante, cum magna difficultate susceptum est, quia quidam ex primoribus *Francorum*, cum quibus consultare solebat, adeò voluntati ejus renisi sunt, ut se regem deserturos, domumque redituros libera voce proclamarent. † Susceptum tamen bellum est contra *Hastolfum regem*, & celerissime completum. † Sed licet sibi & patri belli suscipiendi similis, ac potius eadem causa subesse videretur, haud simili tamen & labore certatum, & sine constet esse completum. † *Pipinus* siquidem *Hastolphum* paucorum dierum obsidione apud *Ticinum* compulit & obsides dare, & septa Romanis oppida atque castella restituere, atque ut reddita non repeterentur, sacramento fidem \* dare. † **CA- ROLUS** vero post inchoatum à se bellum non prius desti-

\* MS. fa-  
cere.

tit,



tit, quam & Desiderium regem, quem longâ obsidione fatigaverat, in deditioem susciperet, & filium ejus Adalgisum, in quem spes omnium \* inclinata videbatur, non solum regno, sed etiam Italia \* decedere compelleret, omnia Romanis erepta restitueret, \* Ruodgandum Forojuliani ducatus præfectum res novas molientem opprimeret, 6. totamque Italiam suæ ditioni subjugaret. † Italiam intranti quàm difficilis Alpium transitus fuerit, quantoque Francorum labore invia montium juga, & eminentes in cælum scopuli, atque asperæ cautes superatæ sint; hoc loco describerem, nisi vitæ illius modum potiùs, quàm bellorum quæ gessit eventus memoriæ mandare, præsentis opere animo esset propositum. † Finis tamen hujus, belli fuit subacta Italia, & rex Desiderius perpetuo exilio deportatus, & filius ejus Adalgisus Italiâ pulsus, & res à Longobardorum regibus ereptæ, Adriano Romanæ Ecclesiæ rectori restitutæ.

\* N. Inclinata videbantur.

\* MS. excedere.

\* MS. Hruodgandum.

## ANIMADVERSIONES

## AD CAP. VI.

**B**ellum contra Longobardos ] Hi tùm Italiam insederant, ex quo *Aluinus*, & mox *Flavi* reges imperium ejus sibi vindicaverant. Hinc satis longo intervallo post continuas successiones *Haisolphus*, quem *Aistulphum* alii, *Albertus Stadenis Agistulphum* appellat, *Rachidis* Frater, regnare cepit ann. 749. quicum congressus *Pipinus* Caroli Pater: cui ex casu mortuo substitutus est *Desiderius*, *Constabulus* ejus, seu ut rectius loquar *Comes Stabuli*, ut indicat *Adelm. ad ann. 756.* Nam quod *Desiderium Aistulphi filium* vocat *Gobelinus et. 6. c. 37. p. 186.* nescio an tolerari possit. Idem *Desiderius à Carolo victus, cum Uxore & Filia, & cunctis Principibus, excepto Adalgiso Filio, in captivitate abductus, perpetuoq; exilio mulctatus est.* Hic finis fuerat regni Longobardici, tantopere omnibus gentibus formidati post annos amplius 200. quibus, Italiam tenebant, ut prolixè *Anastatius Bibliothecarius in vitâ Hadriani, Aimoinus lib. IV. c. 69.* *Paulus VVarnesfridi de gest. Longobard. lib. VI. cap. 61. extrem.* alijque complures, te-

D 2

stantur.